

Angajoqqaat erninermi sulinngiffeqarnerup naammassereersimanerani paarsisussarsisimangitsunut pisortat qanoq ikiorsiisinnaanerinit tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuisut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. Januar 2024 saqqummiutereersimassavaat.
(Demokraatit Inatsisartuni gruppia)

Akissuteqaat

(Meeqqanut, Inuusuttunut, Ilaqutariinnut Peqqissutsimullu Naalakkersuisoq)

Aappassaaneerneqarnera

Ilaqutariinnermut Peqqissutsimullu Ataatsimiititaliaq aalajangiiffigisassatut siunnersuummut matumunnga isumaliutissiisummik tunniussaqaarsimavoq.

Ataatsimiititaliap isumaqatigiittup allannguutissatut siunnersuut tullinnguuttoq saqqummiuppaat akuerisassanngortillugulu inassutigalugu:

”Angajoqqaat erninermi sulinngiffeqarnerup naammassereersimanerani paarsisussarsisimangitsunut pisortat qanoq ikiorsiisinnaanerinit tunngasumik, siunnersuummik saqqummiussinissamik, kommunit oqaloqatiginerisigut nalunaarummik suliaqarnissaanik Naalakkersuisut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. januar 2024 saqqummiutereersimassavaat”.

Ataatsimiititaliap allannguutissatut siunnersuutaa Naalakkersuisunit tusaatissatut tiguneqarpoq akuersissutigineqarnissaalu inassutigalugu.